

Nhank nhak da kitjchho


- Nhakin chio lhoe bene, shlahabo módulon dhe Gwlhaba nha gwzoja xtillachho. Dilla xhon che ya' Sierra Norte, nhakin to da gwseden lhoe.
- Nhakin to da wak kitjo kon bal lhas chhak lhallo.
- Walh wen chhonskin, nha wak kitjlhenhon kon bal bene chhak lhallo, lhen wk'ks kitjlhenhon toz bene.
- Tarjetan nhoan zjedan nho fotos nha dilla da' chhak do yell chio.

Ka kitjchhon

- Wak kitjlhenhon yeto bene, wak kitjlhenho xexonj bene, leska yogolho bene dsedlhenho.
- De choplh ka kitjon.

Dan kitjo

Danhi kitjonhi nhoan shinho shon tarjetas nhakin yela ton nha yela zlhaga 10,5 x 13,5 cm da shinho shona, gaan nhoan toton foto che dan chsedo che módulon shlhabo: to gemplh, yish shlha'n che lnh, ki gonchho to yelawaw, akta che gunt, list che bene, yish da shniee chhio, letrherho, da chyixje'n chhio nha to kart. Toto foton nhoakzin lee dan dsedchho daa le'n. Da'n ye gaa, nhoan nhank nhak nha ga chhon llin toto dan shlhabchho chsedchho dan daa lo yish che bene wak.





Yeto ka kitjon:

1. Bena yelyitja gaa tarjetan zjenhoan nhanka zjenhak dan chhala gwlhabchho nha gaxha chhonhin llin, yelnan chhaalh. Nha dan ye gaa, dan nhoan lhee nha fotos che dan dee gwlhabchho, gwchien, nha gwku'e'n schhua'lh.
2. Twej twej bena chhelyitj yeldiee yelchise primerh to dan daa nhank nhak lhen gaa chhon llin dan dee chhala gwlhabchho, nha chise yeto gan zjenhita dan foto lhen lhee dan dee chhala gwlhabchho. She ba bezak-enhe lise chop da zjenhak lhueshjen nha goxen. She ko yeza'kenhen, nha yexoee tarjetan gan gwlisena'. She gwza'kenhen, nha goxen nha tiee da yoblh nha gwsanhe kate nhigenhe.
3. Chhonhin bayoll shjesaa lhalle bena chytja nhanka zjenkuua tarjetan, konchh kate lisen ba nezenhe ga xhoa toton, la' nhan gonhe ga yega'n lo yichje dan shne kate dzolhao dan chytje.
4. Chheyoll yela chytj chechhon, kate yeya tarjetan. Nha gon gan bena btobe da zaanch tarjetan.




To ki wak kitjon:

1. Da shinho shon tarjetan chhozchhon lo mes shchixechhon, yelnan chhaal nha yelhlhe' bena yelyitj bixha' daan.
2. Yogolho bene yelhyitj yelonhe ga yolhlhabe bixha' daan, she ko chhely eza'kenhe bixha daan, lenab bena shlhue'nhe lhee, nee bixha' daan.
3. Yogolho tarjetan gdoselhen lo mes, nha bena chhelyitj yelonhe ga shjel-saa lhalle kan zjenhakin, la' chhala yelyelle'lhenhe lhweshje toto tarjetan. Nha yelyeyilhje chop chop tarjetan to da daa dibuj lhen lhee dan dee gwlhabchho, yeton daa gaa chhonhin llin nha nhank nhakin.
4. Twej twej bene chhelyitj, yochhixe chop tarjeta, she ba bellelhenhe to tarjeta gan da to foto nha lhee to da dee gwlhabchho, nha yeto tarjeta ga daa nhank nhakin nha ga chhonhin llin, nha chhebeje chhopin, nha chli se da yoblh she ba jexha'kenhe da chopin ka, nha goxen, kate koch yexha' kenhe chop chopin ka, kanha tee bene yoblh chise tarjetan.
5. She bena llchise tarjetan, ko yeza'kenhe chop tarjeta lhebes, chhala yeyixjen gan wkena, nha te bene yoblh.
6. Kate yeyaa tarjetan, yogolho bena golhyitj yolhlhabe bal kue tarjetan belyechise, nha gon gan bene bechischhe da zaan.



Da chhenhechho che danhi

- Gwchacho nha yostono dan ba goko sheka bsedo sheka chhido ganhiga dsedo, che nho daa dee chhala gwlhabchho, nhank nhakin nha ga chhonhin llin.
- Gonhin ga shejnhi'do ga gako yeyo' lhee yogo lho da dsedo, kate ba chhonho wzejnhido dillachesko nhanka zjenhak lhen nanka chhon llin dan dee chhala gwlhabchho.
- Gwseden lhoe ko yichjo da shlhe'do.
- Gaklhenhin gatachh to weshalj gan chhejo dsedon, la' kan chhonsk da chytjchho koejin lhoe xholl, che bi chhonho nha kate chshaljo.



Chhlhaba nha dzoja dilla xhon chia ya' yixe

Da kitj gwsedchho Gwzua yichjchho da dee gwlhabchho

Da nhua danhi

Danhi kitj gwsedo nhakin yetoo da nhua módulo dhe Chhlhaba nha dzoja dilla xhon chia ya' yixe. Nhak chen gakhlenhin lhoe sheka dsedo, la' belonhen zjonzua yichje lhoe dsedo módulonhiga.

Lhen danhi kitjo gwsedo katez chytjo, nha solhao gonho dan ba chhako, nha solhao wgondo llin to da chhala chaz, to da chsedchho sheka chhakchho nhen: da'a chga'n yichjchho; la' len chhaklhenhin chhegan lo' yichjchho dan dsedchho ka nhak do lho módulon.

Da' nhi kitjonhi chhonhin yelleldo nha yoshago chop wej, tarjetan zjedan nho fotos nha zjenhoaten dilla che nhank zjenhak, lhen ga chhaz da dee gwlhabchho. To tarjetan dan to foto che da dee gwlhabchho, nha dee yeto tarjeta lhweljin, chshaljin nhanka nhak tarjetan shlha' dan to.

Belonhe xhbab danhi chio, lhoe, la' kate dsedchho dzojchho dillan shnechho, walh chaz nho dibuj, ka nho foto chhaklhenhin chhio shnezechho bixha' daa lo yish.